

صاحبی، مدیری، محرری:



آبونه بدلی:

سنه لکی ۱۰۰ غروش

آتی آیلنی ۵۰ »

اوج آیلنی ۲۵ »

مخمس

۱۳۳۸

اداره خانه سی:

شهرزاده باشندده (تعالی اسلام)

جمعیتی مرکز عمومایی

مرکز توزینی:

باب عالی جاده سنده (اتحاد)

تجارت (کتابخانه سی)

اسلامک نفعنه تخادم مقالات

مع الشکر قبول ونشر اولونور

یازانک شخصی دکل، یازینک اهیچ
نظر دفته آلتیر.

دینی، علمی، ادبی، اجتماعی و شیعہ بیلک شهری

نجمه اسوه بدر

کان یازیلردن شایان قبول کورولدره تاریخ
میراسیله درج ایدیلیر.

فی ۷ بوجوق غروش

۱۳۳۹ شعبانہ مخصوص نسخه

عدد: ۱۰

منبر هات:

مخمس دینی و علمی: اوچنجی جواب - اسکلیلی محمد عاطف.

مخمس انتقادی: امام غزالی والمضنون کتابلری - حافظ ابراهیم. غرب علماسنک دین اسلام حقنده شهادتی- ویزه لی
رضا. محفک کیفیت تلفظی - طاهر المولوی.

مخمس تاریخی: شعبان المعظم، لیله برات، صرہ عیون، ماهیه، یوم شک - طاهر المولوی. مستجابی زاده عصمت
بک - سعود المولوی. سعید و امین خاکی بک - طاهر المولوی.

مخمس ادبی: السی - توفادی زاده شکیب اولدکن صوکر - غنی کشمیری و بعض ایاتی. طاهر المولوی.
بر رجا. علاوه: هند ماصالری

مخمس دینی و علمی:

اوچنجی جواب

معلوم اولدینی اوزره بر شکل اداره، بر فرقه، بر
جمعیت تشکلی ایدنجه هر برینک کندیسنه خاص آنا خطلری
اولورکه او خطلری قبول ایدنلر او شکل اداره نک طرفداری،
اوفرکه و جمعیتک منسوبینی عد اولورلر.

آنا خطلردن عمده لری قبول ایتمانلر ایسه هر نه قدر
آنلردن اولدقلری ادعا ایتمه لری بیه او شککک علیهداری،
اوفرکه و جمعیتک مخالف و معارضی صاییلرلر، مؤسسیر
ایله صمیمی طرفدارلرنجه آنلرک بو ادعایلی نقاجویانه
بر حرکت تلقی اولنور.

دین جلیل اسلامک ده کندیسنه خاص اصولی و خطوط

اساسیه سی واردر. شارع اعظم تعالی و تقدس حضرتلری
بالذات دین مبین اسلامی وضع ایدوب خطوط اساسیه سی
تعیین و تحدید و عصر سعادت رسالتنهای ده اعتقادات
و شرایعه طائد اصول و احکامی تقریر و تثبیت ایتمشدرکه
حقیقی مسلمان اولمق ایستینلر او آنا خطلرک هپسی
قبول و اعتقاد ایدوب مقتضاسیله عمل ایتمک مجبوردرلر.

حوصله سی و احاطه علمیه و فکریه سی الواسع علمای
اسلامیه ایله سائر افراد مسلمین آره سنده خطوط اساسیه
اسلامیه یی قبول و اعتقاد ایتمک اوزره مکلف اولمقده فرق
یوقدر.

شو قدر وارکه زمره علما درجه علمیه لرینه کوره
عین عقائدی ادراک و استدلال خصوصنده تفاوت ایدرلر
ایسه ده بوتفاوت کیتده دکل، کیفیتده بولنور.

هر عصر و هر محیطه اسلامیتک آنا خطری و عقایدی
بردر. عصر رسالتناهی ده شارع تعالی حضرت تری طرفدن
چیزیلن خطوط اساسیه اسلامیه دن هیچ بر زمان حقیقی
بر مسلمانلک افشاککی ممکن اوله ماز .

شو حالده عینله جمعیت و فرقه لرده اولدینی کبی
دین مبین اعلامک آنا خطرلریدن برنی قبول و اعتقاد
ایتمک لری حالده مسلمانلق اداسنده بولانلر طبعی
دیانت اسلامیه ارباندن عد اوله مازلر .

بوندن باشقه ارکان اسلامیه دن برنی رد و تکذیبه
دلالت ایلین علامته مقرون بولان قوزی اداساساً
ایمان و اسلامه منافی اولمقله برابر نفاق و الحاد صاییلر .
بناءً علیه اصول اسلامیه و اساسات شرعیه دن برنی تجاوز
ایدنلر حدود اسلامیه خارجنه چیقارلق تجاوزلرینک درجه سی
نسبتنده کیمی ارباب ضلاله ، کیمی ارباب الحاده ، کیمی
ارباب نفاقه ، کیمی ده ارباب کفره التحقاق ایتیش اولورلر .
بو مقدمه نی قارئین کرامک نظر امعانلرینه عرض
ایلد کدنصکره جناب بکک پیام صباحده منتشر (محفله
جواب) مقاله سنک الک روحلی بولدیم اوج نقطه سنی
رد و تنقید ایدیه حکم . روح اسلامیه عدم وقوف طولایسیله
باقکیز جناب بک نه دییور :

(۱) صوک تحلیله شو نتیجه واصل اوله جفر : تعدد
زوجه نه اصول عقائدن ، نده فروع اعمالدنر .]

دین جلیل اسلامه بیانحیللق نتیجه سی اولمق اوزره
کلیاً خلاف حقیقت و مخالف شریعت اولان بوسوز ایله
نص مبین قرآنک مفاد عالیه انکار ایدیلش اولیور .
چونکه : دین مبین اسلام ، تعدد زوجه حقنده
ایکی نوع احکام وضع ایتشد : بری اعتقاده تأددرکه
(فانکحوا) نص جلیلک کلام الله اولدینی اعتقاد ایتمکه
مکلف اولان هر مسلمان ، آنک افاده ایتمکه اولدینی
مضمونک ، یعنی تعدد زوجه نک حق اولدینی اعتقاد
ایتمکه ده مکفدر . بوعتبار ایله تعدد زوجه ، خطوط
اساسیه اسلامیه و اصول اعتقادیه دن بریدر .

سائر دلائل قطعیه شرعیه ایله ثابت اولان بالمعوم
احکام قطعیه نک حق اولدینی اعتقاد ایتمکه ده بوجه دندر .
شو حالده تعدد زوجه نک حق اولدینی جزماً قبول
و اعتقاد ایتمک هر مسلمان اوزرینه فرض عیندر . بونی
قبول ایتیب ده حرمتی اعتقاد ایدنلر دین مبین اسلامک
آنا خطرلریدن برنی تجاوز ایتیش اولورلر . بناءً علیه
تعدد زوجه اساس اسلامیتدن اولدینی ایچون آنی الغا
و تبدیله یلتمک دین جلیل اسلام علینده بالکیز اطاه
لسان ذکک ، آکا قارشو بونی و عصیان ایله اعلان حرب
دییمکدر .

ایکینجی حکمده عمله تأددرکه (فانکحوا) قول
شریفی (امر) اولوب مفاد امرک ادنی درجاتی اباحه
اولدینه نظراً تعدد زوجه افعال مکلفینه تعلق ایلین احکام
شرعیه نک (اباحه) قسمند مندرج اولمق لازمکیر .
بوعتبار ایله ده تعدد زوجه فروع اعمالدن بریدر .

مسئله معروضه حقنده حقیقت حال بوسرکزده
ایکین (تعدد زوجه نه اصول عقائدن ، نده فروع
اعمالدنر) دیه حکم بوروتهرک حقیقت شرعیه دن بودرجه ده
تغافل و یا تجاهل بیورلمسنی بحثک نزاکت وجدیتیه اصلاً
قابل تألیف بولیورم . زیرا مسائل دینییه ده احتیاطکار
و حرمتیور بولمق سیمه لازمه اسلامیه دندر .

مسئله مذکوره حقنده جناب بکک قناعت وجدانییه سی
حقیقه تصریح ایلدیکی سرکزده ایسه - اوله اولدینی
هیچ ظن ایتیبورم یا - عفو عالیه مغروراً دییورم که :
مسائل دینییه ده بوسرته و قوفسزلقله برابر برده اجتهاده
قالقشلق نه درجه ده حق ناشناسلق اولدینه دائر ویرله جک
حکمی قارئین کرامک وجدان عالیه برافه رقی هرشیده
اولدینی کبی دین باندنده قابلیت اختراعیه و اجتهادیه دن
محروم اولانلر ایچون طریق اختراع و اجتهادک دائماً
مسدود بولدیغنی میر مشارالمه بردها عرض ایلرم .

(۲) تعدد زوجات مباحثی گندی دامادی حضرت علیدن منع
ایدن بالذات حضرت پیغمبرافندضر اولمشدی .]

سوزی ده تحریف حقیقتدن بشقه بر شی دکندر .
چونکه (بخاری شریف) ده مذکور اولدینی اوزره
بو بحث حقیقی شویله در : حضرت علی کرم الله وجهه
افدمنر ، ابو جهلک (حیلله) ویا (جویریله) نامنده کی
قیزی نکاح ایتک ایستر ، بونی حضرت فاطمه ایشیدیر ،
رسول اکرم افدمنر . کیدر ، علی ، ابو جهلک قیزی
نکاح ایتک ایستور دیر . رسول اکرم افدمنر قیام
ایدوب بیوریرلرکه [والله لا یجتمع بنت رسول الله و بنت
عدو الله عند رجل واحد - یمین ایدرم که رسول الله
قیزی ایله عدو الله قیزی برکیمسه نکاح تحت نکاحنده
اجتماع ایدمنر] .

(مسام شریف) ده مذکور اولدینی اوزره دیگر
بروایتده [وانی لست احرم حلالاً ولا احل حراماً
ولکن والله لا یجتمع بنت رسول الله و بنت عدو الله مکاناً
واحداً ابداً - بن نه حلالی حرام ، نه ده حرامی حلال
قیلام . فقط رسول الله قیزی ایله عدو الله قیزی بریده
اصلاً اجتماع ایدمنر .) بیورمشلردر . بونک اوزرینه
حضرت علی کرم الله وجهه افدمنر ، خطبه بی ، یعنی طلب
تزوجی ترک ایتشلردر .

رجا ایدرم ایجه دقت بیوریلسون . بو وقعه دین
اسلامده تعدد زوجنه نک حرمت و ممنوعیتی دکل ، حل
واباحه سی افاده ایتمکده در . چونکه رسول اکرم افدمنر
[بن حلالی حرام قیلام ، حکم الله خلافت بر شی
سویله یه م] کلام عالیرله ابو جهلک قیزی آله نک حضرت
علی یه اباحه سی بیان بیورمقله برابر باباسی عدو الله اولان
قیزک ، حبیب الله قیزی ایله بر اراده اجتماعلرینه رضای
عالی رسالتناهیلری بولمادیغنی بیلدیرمشلردر .

برده حضرت فاطمه ، تحت نکاحنده بولندی حالده
حضرت علی کی بر مجتهد معظمک دیگر بر زوج ده
تزوج ایتکه تشبده بولمنسی تعدد زوجنه نک حل و اباحه سی
اعتقاد نتیجه سیدر .

شو حالده جناب بکک تمسک ایتک ایستدیکی حدیث

شریف ؛ دعواسنک خلافتی اثبات ایدیور . بناء علیه
قول پیغمبری ، فعل بی ، نص قرآنی صراحة و واضحاً
تعدد زوجنه نک مشروعیتی کوستردیکی حالده نصوص دینه
خلافت اوله رق [منع تعدد بر امر مسنون در] دیه یکی
سیستمده بر اجتهاده قالمشقی قدر ضلالت تصور اولنه ماز .
آرقه سنه قدر قابوسنک آجلمسی آرزو اولنان اجتهاد
بو طرزده اوله حق ایسه صورت قطعیده بیلنملی که دیانت
اسلامیه ده بومعناجه نه اجتهاد جاریدر ، نه ده قابوسی واردر .
صوک نشریاته نظرأ جناب بک غالباً [کندی تعیری
وجهله] اوجنچی صولوقده ادبیاتی اتلایوب آحق
ایستدیکی باب اجتهاددن کیره رک مجتهدلکده قرار قیلمق
ایستور . حالبوکه طیبیک ، ادیبیک بشقه ، مجتهدلکده
بشقه در . کله جک مقالده بیان اولنه جنی وجه اوزره
علومده ملکه و رسوخه متوقفدرکه قولایاقله اکتساب
ایدیلیر شیلردن اولسه ایدی هرکس بوشرفه نائل اولمق
ایستردی .

(۳) تعدد زوجنه نک اباحه سی مسئلانه کلنجه : نظر
شریعتده مباح : هم فعل و هم ترکنه طرف شارعدن
اذن و مساعدده اولنان شیلر دیمکدر .

شوقدرکه اباحه سی دلیل قطعی شرعی ایله ثابت اولان
شیلرک حقیقتی اعتقاد ایتک هر مسلمان فرضدر .

[... لم تحرم ...] نظم جلیلندن مستفاد اولدینی
وجه اوزره الله تعالی حضرتلرینک مباح و حلال قیلدینی
بر حکمی هیچ برکیمسه تحریم ایدمنر . رسالتناه ایدمنرک
بیله ، کا صلاحیتدار اولمدینی بالاده ذکر اولنان حدیث
شریف ایله بیان بیورلمشدر .

اساساً دین مبین اسلام نظرنده حلالی تحریم ایتک
ایکی وجه اوزره اولور : بری طرف شارعدن حلال
قلنان بر شی ده تحریم حکمنک ثبوتی اعتقاد ایتکه اولورکه
بومعناجه تحریم موجب کفردر .

[کذا دلیل قطعی ایله حرمتی ثابت اولان بر حکم
شرعینک حلی اعتقاد ایتکده موجب کفردر . اما

کیمسه لوده سویلانیلرک درجه لرینه کوره سویلنان سوزلره قیمت ویریرلر. امام غزالی حضرتلری اعظم ائمه اسلامیه دن بولمغله سوزلرینک خصوصیه ایکنجی قسمة کوره قیمت علمیه سندن باشقه برده قیمت اضافیه سی واردر. بناء علیه سویلنان سوزلره یالکتر قیمت اضافیه اعتباریه اعتماد ایدنلرک نظر دقتلرینی جلب ایتک اوزره [غزالینک روح حقه ده کی تلقیاتی] عنوانلریله محفله نشر اولنسان مقالک مأخذی اولان و امام غزالی به نسبت ایدیلان (المضنون به علی غیر اهله) نام رساله نک ابن الصلاح وابن السبکینک نقللرینه استناداً امام غزالی نک اثری اولمدیغه اشارت ایدلمش وشو اشارتله قیمت علمیه دن زیاده قیمت عملیه کوزده دلمش ایدی. مقالات مذ کوره نک محرر فاضلی طرفدن محفلک سکزنحی نسخه سنده : (المضنون به علی غیر اهله) رساله سنک رأساً مأخذ کوسترلمدیکی بیان ایدله کدن صوکره غزالینک (المضنون به علی غیر اهله) ناملرنده اوج مضنونی اولدیقتدن بختله ابن الصلاحک، غزالینک دکدر دیدیکی عجا هانکیسیدر دیه ایراد ایدیلان سؤال ومطالعاتک جوابی به روجه آتیدر :

ابن الصلاحک غزالینک دکدر دیدیکی مضنون برنجی مقاله ده المضنون الصغیر ایله برابر مأخذ اوله رق کوستریلان (المضنون به علی غیر اهله) نام رساله در. بو رساله ده محرر فاضلک دخی بیانی وجهله معرفت ربوبیت، معرفت ملائکه، حقیائق معجزات، معرفه مابعدالموت تشریح ایدلمشدر. اولی (الحمد لله علی موجب ما هدانا الی حمده)

جهله سیله باشلار. کشف الظنونک شو : « المضنون به علی غیر اهله » قال ابن السبکی فی طبقاته ذکر ابن الصلاح انه منسوب الی ابی حامد الغزالی وقال معاذ الله ان یکون له وین سبب کونه مختلفاً موضوعاً علیه والامر کما قال وقد اشتمل علی التصريح بقدم العالم ونفی علم القديم بالجزئیات ونفی الصفات وکل واجد من هذه یکفر الغزالی قائله هو واهل السنة اجمعون فکیف تصور انه یقول ذلك انتی . اوله الحمد لله علی موجب ما هدانا الی حمده الخ وهو اجوبه مسائل سئل عنها الغزالی وفي التاسعة فصول کثیره وهی تستمل علی اربعة ارکان الاول فی معرفه

دلیل ظنی ایله جرمی ثابت اولان بر حکم شرعینک حلی اعتقاد ایتک کفر دکل ایسه ده فسق وضلالدر . [ایکنجی وجه ده حلال قلنان بر شینک حلی اعتقاد ایله برابر یمین ایله مؤکد ویا غیر مؤکد اوله رق آندن امتناع و آتی ترک ایتک صورتیه اولورکه بومعناجه تحریم، مباح صرف وحلال محضدر .

بواصله بناء دیرزکه طرف شارعده مباح وحلال قیلان (تعدد زوجه) بی برنجی معناجه تحریم ایچون هیچ برکیمسه حائز صلاحیت دکدر .

ایکنجی معنایه کوره یعنی تعدد زوجه نک حلال اولدیغی اعتقاد ایله برابر آتی ترک ایتک شرعاً جائز اولوب بوخصوصده هیچ برکونه محذور یوقدر .


شوقدرکه تعدد زوجه ایچون شرعاً لازمکن شرائطی حائز بولنلر مستثنا اولق اوزره شرائطدن محروم اولانلر بوندن ممنوعدرلر .

(تعدد زوجه نه اصول عقائدن، نه ده فروع اعمالدن) سوزینه باقیلیرسه جناب بکک تعدد زوجه بی برنجی معناجه تحریم ایتک ایستدیکی آکلاسیلیورکه اولکی مقاله مده عرض ایلدیکم وجهله بومعناجه تحریم، تعدد زوجه بی الفا ونسخ دیمکدرکه بونده افراد بشریه دن هیچ بر فرد وهیچ بر هیئت حائز صلاحیت دکدر .

احکام شرعیه دن بر حکمی نسخ والفا آنحق جناب شارع عابد برحقدر . چونکه واضع حقیقیسی آنحق اودر .

اسکلی

محمد عاطف



تدقیق مؤلفات هیئتندن وارد اولمشدر :

امام غزالی والمضنون کتاباری

محاکات علمیه به مقتدر اولان ذوات سویلنان سوزلره باقارلر، آکا کوره قیمت علمیه سنی تقدیر ایدرلر. برچوق